

LA TERCERA EPISTOLA DE SAN JUAN APOSTOL

YA'A KUU CARTA UNI JA NI CHAA SAN JUAN APOSTOL NUU TAKA ÑAYIVI KAKANDIJA

Chaa kájika jín tú'un ndaa

¹Máa-rí kúu máa cháa ñá'nu-ga. Te cháa-ri tutu yá'a nuu-ro Gayo máni, chí kúndá'ú ndija ini-ri róó. ²Ñáni máni, kuní-ri ja bueno ná kí'in taká tiñu sá'a-ró, jín ja ná kéndoo ndéé ndánu-ro, nátu'un ni kéndoo va'a añú-ro. ³Jandaa ni kusij xáan ini-ri kiví ní chakoyo ñani-yo, chi ni kanakani-de tu'un-ró núu-rí, ndasa bueno ío ndaa tu'un ñú'un ini-ro, nátu'un jíká ndaa-ro. ⁴Tuká inga tu'un kúsij ini-ri sá'a ná nuu yá'a, ja kúni tu'un-ri ja kájika ndaa se'e-ri jíná'an-i. ⁵Ñáni máni, bueno sá'a-ró taká tiñu jiku-ró jián jín taká ñani-yo, va'a chaa jíká kákuu-de. ⁶Chi chaa-ún, ni kajani-de tu'un-ró núu tiku'ni, ja vá'a kúndá'ú ini-ro. Te va'a sá'a-ró te nú chindéé chítuu-ró-de chu'un íchí-ró-de, nátu'un kuní Dios. ⁷Chi chaa-ún, mani-dé jín-yá, te ja yúan ní káki'in-de ichi kája'an-de, te tú káki'in-de ni iin ndatíñu nuu

ñayivi sijn nación. ⁸Núsáa te yóó, níni ná kuatá'ú-yó cháa-ún, náva'a chindéé tá'an-yó jín-de siki tú'un ndaa.

Ja kájasu nuu tú'un va'a

⁹A ni chaa-ri tutu nuu máa tiku'ni. Ko Diótfefes, tú játá'ú-de tu'un ká'an-ri, kuachi ja kúñá'nu máa-de nuu-í kuní-de. ¹⁰Núsáa te nú jaa-ri te naxndáku-ri nuu-ro tíñu sá'a-de ja kátíflakuá yu'u-dé, ndasa sátú'ún-de siki-rí. Te va'a a ká'an-de súan, ko tú kúva'a ini-de. Chí tú játá'ú-de ñani-yo kátáji-yó núu-dé, te jasú-de nuu ñayivi kákuni-i kuatá'ú-i-de. Te skúnu-de-i ini tiku'ni. ¹¹Ñáni máni, ma sá'a-ró nátu'un kásá'a chaa ñáa, chí sua nátu'un kásá'a chaa va'a. Chaa sá'a tiñu va'a, se'e Dios kúu-de. Ko chaa sá'a tiñu ñáa, tú jiní kuti-dé nuu Dios. ¹²Taká ñayivi kájani ndaa-i tu'un siki Demetrio, te suni máa tú'un ndaa ká'an siki-dé, te suni súan ká'an máa-rí. Te a kájiní-ro ja tú'un

ká'an-ri ío ndaa. ¹³Ió kua'a tú'un
 chaa-ri nuu-ro kuní-ri, ko tú kuní-ri
 chaa-ri jíin tinta jíin pluma. ¹⁴Chi
 ñúkuu ini-ri ja yakú-na kivi te
 ja-ri nuu-ro. Yúan-na te ndatu'lún

jíin yú'u-yo. ¹⁵Ná kóo tu'un vindáa
 vinené jíin-ró. Sándéé iní-ro, áchí
 taká amigo yá'a. Te suni ka'an-ro
 jíin taká amigo jian, ná sándéé
 iní-i.